

2 الانقياد واليقين والمحبة من شروط كلمة التوحيد | الشیخ

شوقي عبد الصادق

شوقي عبد الصادق

الحمد لله والصلوة والسلام على سيدنا رسول الله تضمنوا يا اخواننا تقاربوا وتضمنوا التفرق من عمل الشيطان الحمد لله والصلوة والسلام على سيدنا رسول الله وعلى الله وصحابه ومن والاه وبعد - [00:00:01](#)

استأنفوا الحديث ان شاء الله تعالى حول ما بدأناه بخصوص كلمة التوحيد كنا تكلمنا عن ركنيها وانها تحتوي او تشتمل على ركنيين النفي والاثبات. تنفي الالوهية والربوبية عن كل ما سوى الله - [00:00:27](#)

وتتبتها لله عز وجل وان اي مسلم حتى ينتفع بـلا الله الا الله حتما عليه ان يكفر بكل طاغوت الشيطان النظم الوضعية الهوى تکفر بكل طاغوت كل ما عبد من دون الله فهو طغوط. كل ما عبد من دون الله فهو طغوط - [00:00:56](#)

فتکفر بكل طاغوت وتومن بالله قال رب العزة فمن يکفر بالطاغوت ويؤمن بالله فقد استمسك بالعروة الوثقى لانفصام لها اه والله السميع العليم دي الركنيين بتوع لا الله الا الله - [00:01:26](#)

لا الله الا الله وكنا تكلمنا عن بعض شروطها شرط العلم العلم واليقين والقبول اتكلمنا عن سلasse شروط. معنى الشرط الرابع الا وهو الانقياد الانقياد. يعني ايه انقياد بـلا الله الا الله يعني - [00:01:48](#)

انا بقول لا الله الا الله انقاد لها ازاي يعني؟ كيف انقادوا بـلا الله الا الله الانقياد يعني الجوارح والقلب قبل الجوارح لأن القلب هو الملك والجوارح هي الجنود وادا سلم الملك سلمت الجنود - [00:02:12](#)

قال رب العزة الا من جاء بقلب سليم لا ينفع مال ولا بنون الا من اتى الله بقلب سليم فينقاد الانسان بقلبه وجوارحه لـلا الله الا الله. يعني ايه برضه؟ هتقول لي ينقضي ازاي يعني - [00:02:36](#)

اي انسان فينا يا اخوانی له رغبات وله يعني شهوات وفي اوامر ازا تعارض هواك مع امر من امور الله اي ما تقدم ان قدمت هواك فانت مش منقاد لـلا الله الا الله - [00:02:58](#)

وان قدمت امر الله انت من قال لـلا الله الا الله الله سبحانه وتعالى نهاك عن شيء ونفسك تشتهيه فلو قدمت ما تشتهيه نفسك على ما نهاك الله عنه فانت غير منقاد لـلا الله الا الله - [00:03:22](#)

قول زي ما تقول انت غير منقاد وخليت بالشرط من شروط لا الله الا الله شرط الانقياد مهم جدا قال رب العزة ومن يسلم وجهه الى الله وهو محسن فقد استمسك بالاليه - [00:03:47](#)

للعروة يسلم وجهه يسلم وجهه ايه؟ يسلمه. طب ما تسلم ايده. لا اسلام الوجه ده خلاص سلم سلم والوجه ده اللي هيسبجد والوجه ده اللي هيتحنني سلم وجهه لله. وهو محسن - [00:04:09](#)

يبقى كده منقاد بعديها على طول قال ايه بقى ومن كفر بنفس الصورة ومن كفر فلا يحزنك كفره ايه العلاقة ان اللي اسلم وجهه الى الله ها انقاد واللي مش راضي ينقاد كفر - [00:04:30](#)

واللي رفض الانقياد كفر. ومن كفر فلا يحزنك كفؤا يتجلی الانقياد احيانا عند الانسان ايا كان بقى ممكن يكون كافر وتجد عندهم قياد غير طبيعي بـس الكلام ده امته في حال اضطرار - [00:04:58](#)

لما يموت لما يقع في الاضطرار ينقاد بعد ما ينتهي الموضوع يرجع لـايه؟ لاصله شرط الانقياد ممكن يبقى فيه تصديق وفي يقين بـان

ما فيش شك في الكلام اللي بيتفقال ده - 00:05:20

ولكن ما فيش انقياد يعني المشركين ما كانواش بيشكوا في صدق النبي صلى الله عليه وسلم لا يشك في صدق النبي. ليه ان لهم تجربة سابقة معه صلوات الله وسلامه عليه - 00:05:43

ده لدرجة انهم ادوا له بدرج وقال لهم قولوا علي كده لأهم اللي بيقولوا عليه الصادق الامين وغيره من الانبياء برضو قالوا يا صالح قد كنت فينا ايه - 00:05:59

مرجوا قبل هذا يعني كنت صادق وامين برضو. بس قبل ايه ؟ قبل الرسالة سيدنا محمد صادق وامين. لما جت الرسالة بقى كذاب وساحر. وكاهن. الله ايه بقى الكلام ده - 00:06:17

يعني اللي بيقوله ما حدش معترض عليه كنص مصدقينه ؟ ايوة مصدقينه امال ايه المشكلة فين ؟ عدم الانقياد طب ما بعد ما تصدقه طب ما تنفذه ولذلك رب العزة بيهدى من يعني من حزن النبي عليه الصلاة والسلام. قد نعلم انه - 00:06:34

ليحزنك الذي يقولون ساحر كاهن كذاب لا يحزنك الذي يقولون فانهم لا يكذبونك ولكن الظالمين بآيات الله يجحدون ما نفهمو مشي تصدقهم ما نفهمو مشي ايامنهم بآيات النبي عليه السلام باللي يبلغه عن ربه ما بيفترىش على الله كل ده ما نفهمش. ليه ؟ لازم ينقاضوا - 00:06:58

لا وانت كمان مش هتنفعك لا الله الا الله صح اللي لازم تأتي بالشروط دي كاملة كاملة تأتي بها كاملة واي نواقض لها تبتعد عنها مش تبني حاجة وتهدها تاني بايديك انت برضو لا. اللي ابني يفضل عليه. انما تهده هزا هزا قمة السفة - 00:07:28

تبني وتهده كالتى نقضت ايه ؟ غزلها. كالتى نقضت غزلها الانقياد ده يا اخواننا شوفوا يتجلى في اعلى صوره مع ابي طالب وصدق النبي بينصر النبي عليه الصلاة والسلام - 00:07:52

يدافع عنه بيشاركون في البلاء الرسول عليه الصلاة والسلام يبتلى وهو معه ضرور. معه في البلاء وليس تعمل حصار اقتصادي واجتماعي للرسول صلى الله عليه وسلم ومن معه من المؤمنين المستضعفين وابو طالب يدخل معهم. طب ما تخليك مع السادة - 00:08:12

وانشره من بعيد مسلا يا ابدا. يروح معه في الشعر ويقبل الحصان وعيش معهم في الشيعة ايه ده بقى ؟ طب صدقه ؟ ايوا مصدقه اما تؤمن وتنقاد هي دي المشكلة ده الامر زاد الى انه قال شعر في الدين لنا احنا مش عارفين نقوله - 00:08:33

والله العظيم ما احنا عارفين نقوله ونقول لها ما نعرفش نعمله الدين بتاعنا دوه ابو طالب قال فيه كلام لا احنا عارفين نقوله ولو يعني كانت عندنا اللغة حلوة شوية وقلناها ما بنطبقوش - 00:08:55

يقول للرسول ودعوتني وعلمت انك ناصحي ولقد صدقت وكتت ثم اميينا. يا سلام وعرضت ديننا اي على ابي طالب وعرضت ديننا قد علمت بأنه من خير اديان البرية دينا. لا الله الا الله - 00:09:09

ده احنا عندنا اساتذة في الجامعة وبعيمم وشاييفين ان الدين بتاعنا ده يعني اتحبواش عيشوا مع المجتمع الدولي دوروا في فلك فلك ايه بفلك الانعام دوره وخلاص ابو طالب بيقول وعرضت ديننا قد علمت بأنه من خير اديان البرية دينا - 00:09:36

فلولا الملامة او حذاري مسبة لوجودتني سمحا بذلك مبينا انا مشكلتي يا ابن اخي ان هيلوموني هيسبونى اه ما يسبوك يا ابا طالب ايه المشكلة يعني ايغيروك بس فوز هو دين القياد يا اخواننا - 00:10:11

ولذلك لما حضرته الوفاة الرسول اسرع عشان يقدر جنبه وبلقنه لا الله الا الله. لقينه ايه ؟ موتاكم هو في اللحظة دي بيموت بيحضر فحضر النبي صلى الله عليه وسلم عنده موجود عنده مين بقى ؟ شيطانا - 00:10:34

ابو جهل وعبد الله بن ابي امية ابن المغيرة يقول يا عم قل لا الله الا الله كلمة احاج لك بها عند الله. احاج لك بها انا انا اعرف انك مش هتلحق تعمل حاجة - 00:10:57

مش عشان شف الانقياد مطلوب ازاي ؟ انا عارف ان هتلحق تصلي ولا هتلحق بقى تجاهد وتصدق وما فيش لسه ابوصول عارف الحاجات دي هتفرض وتيجي يعني بس قل كلمة قل لا الله الا الله ادخل بس ادخل في الحصن - 00:11:11

قل لا الله الا الله كلمة احتج لك بها عند الله هم يقولوا له اترغب عن ملة عبدالمطلب؟ اهي دي حزاري المسبة والملامة الرسول يكررها يا عم قل لا الله الا الله كلمة احتج وهم يقرروا يقولوا له اترغب عن ملة عبدالمطلب - 00:11:28

اخر حاجة يقولها هو على ملة عبدالمطلب ويأس النبي فادا به يقول لاستغفرن لك ما لم انها عنك ما لم انها عنك حتى نزل قوله تعالى ما كان للنبي والذين امنوا ان يستغفروا - 00:11:49

للمشركين ولو كانوا اولي قربى. من بعد ايه ما تبين لهم اصحاب الجهل مهم قوي الانقياد يا اخوانا مهم قوي لما تلقي لك رغبة في حاجة والشرع بيقول لك لأ ممنوع - 00:12:12

اسمع كلام الشرع تبقى كده عندك انقياد انقياد مهم قوي لما الشرع يقول لك اوعى تعمل دى وتعملها اعتقاد الكلام واضح. مش كده ها كلام واضح الشرط الخامس شرط الصدق - 00:12:30

الصدق في لا الله الا الله ايوة هي دي عاوزة صدق هيها احنا بنقول له الحمد لله ماشي بس والله لو اختبرت ليبيان معدنك ايه بقى ؟ احسب الناس - 00:12:51

ان يتركوا ان يقولوا ايه ؟ امنا وهم لا يفتنون المنافقون يا اخوانا دول ما صدقوش ابدا فنعواز بالله من ذلك. نعواز بالله ان نصب بالنفاق نقول لا الله الا الله - 00:13:08

واحنا مش صادقين واحنا مش صادقين ومن الناس من يقول امنا بالله وبال يوم الآخر. وايه ؟ وما هم بمؤمنين يخادعون الله والذين امنوا وما يخدعون الا انفسهم وما يشعرون واحد اتولد ابوه وامه مسلمين جيرانه مسلمين عيلته مسلمين - 00:13:29

يقدر خلاص يالله نعمل زيهم نروح الجامع زيهم ما نشتمنش في الدين بقى علشان ما ييقاش شكلنا وحش. او حد من العيال الارهابيين دول يضرروا يطخوا طخة ولا حاجة. فيمشي ايه - 00:13:54

الله! طب وفيين دي ؟ لا لا انا مش مقتنع بالكلام ده اصلا طب وابوك والسلسال واللي واللي والدين طب وانت شفت احسن منه ؟ اه شفت احسن منه الصدق يا اخواننا - 00:14:11

ويقول لا الله الا الله ويقول لا الله الا الله ويسمع الاذان يردد لو فيه جنازة ولا حاجة برضو يعمل شوية بروشة كده وما فيش مانع يبكي برضه عادي ايه المشكلة يعني - 00:14:26

نفاق المنافق غير صادق في لا الله الا الله. وان نطق بها اذا جاءك المنافقون قالوا نشهد انك لرسول الله والله يعلم انك لرسوله والله يشهد ان المنافقين لكاذبون. طب كاذبون في ايه - 00:14:38

ما هو قال هو رسول الله وهو رسول الله في اية طب كذبون في ايه والشهادة ما هياش شهادة صح هو رسول الله اهو نشهد انك لرسول الله. الشهادة صح - 00:15:06

الكذب هنا فين ؟ اللسان والقلب ضد بعض هي نفس الصورة تنزل تحت شوية تلقي بيقولوا لان رجعنا الى المدينة هي نفس الصورة فوق نشهد تحت ليخرجن الاعز منها عرفت الكذب جاي منين - 00:15:17

ان اللسان في وادي والقلب فين ؟ هو ما بيحبوا رسول الله ولا ولا بيتبعوا رسول الله. طب ما عندنا كتير من ده عندنا كتير من ده قوي ولا انت شايفين العملية ؟ يعني الرسول مش موجود. يعني دواعي المحبة ضعيفة - 00:15:43

مش موجود قدام عينينا معجزات ما احناش شايفين مسلا يعني. يعني دواعي المحبة موجودة شايفينه قدام عندهم بيملوا بصرهم منه يجالسوه يؤاكلوه يشاربوا والقلب في وادي واللسان فين هو امال احنا بقى لا شايفينه ولا بنجالسه والفتنه كثيرة والشهوات كثيرة ه تكون العملية ايه بقى - 00:16:04

والعملية اصعب لا القلب هي بعد عن اللسان المسافات مئات كرات الكيلومترات ولا انت مش معندي ؟ يعني اذا كان كل الدواعي دي والقلب في وادي ما هو عدم صدق مع لا الله الا الله. نشهد انك لرسول الله. شيء طبيعي. شهدنا انه انه - 00:16:33
لا الله الا الله. هم انت كذابين في ايه ؟ كذابين لان دي اللسان بيتكلم والقلب رافض الایه الموضوع اصلا يبقى ازا هم كذبوا فلذلك معاذ بن جبل رضي الله عنه يقول - 00:16:55

عن رسول الله صلى الله عليه وسلم ما من أحد يشهد أن لا إله إلا الله وإن محمدا رسول الله. صدقا من قلبك به مش صدقا منين؟ من لساني. أه اللسان يقول صدقه ماشي - 00:17:12

انما القلب لأ صدقا من قلبه إلا حرمه الله على النار. فمعاذ قال أيه بقى؟ قال يا رسول الله أفلأ أخبر به الناس فـيـسـتـبـشـرـوا؟ أبشر الناس قال اذا يتكل وده حال الناس فعلا - 00:17:29

الرسول عليه الصلاة والسلام الرسول عليه الصلاة والسلام يعني يداوي الناس يداوي الناس. اذا يتكلوا. طب وبعدين فين بقى لما معاز رضي الله عنه اوشك على الموت؟ وهو على فراش الموت قال الحديث - 00:17:48

ادي الحل عشان ما ييقاـشـ كـتـمـ العـلـمـ. اـدـيـ الحـدـيـسـ فـلـمـاـ كـانـ عـنـدـ الـمـوـتـ اـخـبـرـ بـهـ مـعـاـزـ عـنـدـ مـوـتـهـ تـأـثـمـاـ الصـدـقـ فـيـ لـاـ إـلـهـ إـلـاـ اللـهـ بـيـبـيـانـ فيـ النـكـبـاتـ النـاسـ الـمـلـتـزـمـةـ وـالـمـتـدـيـنـةـ وـالـلـيـ يـعـنـيـ رـافـعـةـ شـعـارـ الدـيـنـ وـبـيـصـلـوـاـ وـمـهـمـوـمـيـنـ وـشـاغـلـيـنـ بـالـدـيـنـ. حـصـلـتـ لـهـمـ - 00:18:05

كـبـوـةـ وـقـعـوـاـ فـيـ حـاجـةـ تـلـاـقـيـ نـاسـ تـفـرـحـ اـهـوـ دـهـ بـقـىـ الصـدـقـ فـيـ لـاـ إـلـهـ إـلـاـ اللـهـ اـنـ اـهـلـهـ يـعـنـيـ اـنـ اـسـيـءـ اـلـيـهـ نـحـزـنـ وـنـتـضـرـ عـلـىـ اللـهـ وـيـاـ رـبـ اـكـشـفـ مـاـ نـحـنـ فـيـهـ - 00:18:31

مش نـفـرـحـ اـزـاـ اـغـتـمـ اـهـلـ لـاـ إـلـهـ يـبـقـىـ صـادـقـيـنـ وـلـاـ مـشـ صـادـقـيـنـ؟ مـاـ هـمـ الـمـنـافـقـوـنـ كـانـوـاـ كـدـهـ تـحـصـلـ حـاجـةـ لـلـمـسـلـمـيـنـ يـقـولـوـاـ اـيـهـ يـقـولـوـاـ اـيـهـ؟ هـاتـ كـدـهـ اـيـةـ كـدـهـ - 00:18:56

زـالـتـ لـأـ لـمـ تـحـصـلـ كـبـوـةـ لـلـمـسـلـمـيـنـ وـيـقـولـ اـيـهـ اـخـذـنـاـ حـذـرـنـاـ اـخـذـنـاـ حـذـرـنـاـ مـنـ قـبـلـ. وـيـتـولـوـاـ وـهـمـ فـرـحـونـ. اـهـ تـحـصـلـ مـصـيـبـةـ لـلـمـسـلـمـ وـالـحـمـدـ لـلـهـ اـحـنـاـ وـاـخـدـيـنـ بـالـنـاـ اـمـالـ دـوـلـ اـيـهـ؟ دـوـلـ هـبـلـ - 00:19:15

مش كـانـوـاـ بـيـقـولـوـاـ عـلـىـ الرـسـوـلـ اـزـنـ وـيـقـولـوـنـ هـوـ اـيـهـ اـزـنـ يـبـقـىـ مـاـ تـكـوـنـ صـادـقـ اـبـدـاـ. لـمـ يـحـصـلـ كـبـوـةـ لـلـمـسـلـمـيـنـ فـيـ شـتـىـ بـقـاعـ الـأـرـضـ وـتـفـرـحـ بـلـ تـحـزـنـ تـبـكـيـ تـنـتـضـرـ عـلـىـ اللـهـ - 00:19:45

ان تـعلـوـ كـلـمـةـ الـاـيـمـانـ كـلـمـةـ الـاـيـمـانـ وـيـعـلـوـ اـهـلـهـ يـعـلـوـ اـهـلـهـ مـشـ مـيـنـلـوـلـاـ لـاـ يـعـلـوـ تـفـرـحـ لـهـزـاـ وـزـيـ بـرـضـوـ مـاـ قـلـنـاـ الـاـيـةـ فـيـ سـوـرـةـ الـمـنـافـقـوـنـ لـئـنـ رـجـعـنـ عـلـىـ الـمـدـيـنـةـ اـهـ - 00:20:05

الـشـرـطـ السـادـسـ شـرـطـ الـاـخـلـاـصـ فـيـ لـاـ إـلـهـ إـلـاـ اللـهـ. تـكـوـنـ مـخـلـصـ فـيـهـ طـبـ وـدـهـ عـاـوـزـ يـخـلـصـهـ اـزـايـ؟ اـخـلـصـهـ اـزـايـ يـعـنـيـ؟ اـخـلـصـ وـلـاـ اللـهـ يـعـنـيـ اـعـمـلـ اـيـهـ يـعـنـيـ الـاـخـلـاـصـ زـيـ الـلـبـنـ - 00:20:23

ما هو رـبـنـاـ سـمـيـ الـلـبـنـ خـالـصـةـ زـيـ ماـ فـيـهـوـشـ رـيـحـةـ الـرـوـسـ وـلـاـ دـمـ وـلـاـ لـوـنـ دـمـ. خـالـيـ منـ الـشـوـائـبـ الـاـخـلـاـصـ فـيـ لـاـ إـلـهـ إـلـاـ اللـهـ تـنـقـيـهـاـ مـنـ الـشـوـائـبـ - 00:20:39

بنـقـيـهـاـ مـنـ الـشـوـاهـدـ اـيـهـ الـشـوـائـبـ لـاـ إـلـهـ إـلـاـ اللـهـ؟ رـيـاءـ شـرـكـ سـمـعـةـ وـرـؤـيـةـ زـاتـ حـاجـاتـ كـتـيرـ جـداـ بـتـضـرـ لـاـ إـلـهـ إـلـاـ اللـهـ لـازـمـ تـنـقـيـهـاـ تـلـقـيـهـاـ بـتـقـولـهـ لـلـهـ وـمـعـنـاـهـ رـاسـخـ فـيـ قـلـبـ لـلـهـ خـالـصـ لـلـهـ - 00:21:00

بـتـحـبـ اـهـلـهـ لـلـهـ مـنـقـادـ لـهـ لـلـهـ مـشـ عـشـانـ تـحـصـلـ مـصـلـحةـ قـلـ اـمـرـ رـبـيـ بـالـقـسـطـ وـاقـيـمـوـاـ وـجـوهـهـمـ عـنـدـ كـلـ مـسـجـدـ. وـادـعـوـهـ مـخـلـصـيـنـ لـهـ اـيـهـ لـهـ الدـيـنـ كـمـ بـدـأـكـمـ تـعـودـونـ. اـنـ اـنـزـلـنـاـ اـلـيـكـ الـكـتـابـ بـالـحـقـ - 00:21:24

فـاعـبـدـ اللـهـ مـخـلـصـ لـهـ الدـيـنـ مـخـلـصـ لـهـ الدـيـنـ يـاـمـاـ نـاسـ دـيـنـهاـ مـاـ يـعـلـمـ بـهـ اـلـلـهـ اـلـعـالـمـينـ دـيـنـ دـيـنـهاـ جـزـءـ مـنـ دـيـنـ مـلـكـ وـجـزـءـ التـانـيـ دـيـنـ اللـهـ وـاـدـيـانـ الـخـالـصـ فـرـبـنـاـ بـيـقـولـ لـاـ - 00:21:51

اعـبـدـوـ اللـهـ مـخـلـصـيـنـ لـهـ الدـيـنـ وـلـوـ كـرـهـ الـكـافـرـوـنـ. عـارـفـ اـنـتـ دـيـنـ الـمـلـكـ وـلـاـ مـشـ عـارـفـهـ اـهـ دـيـنـ الـمـلـكـ. اـقـرـأـ سـوـرـةـ يـوـسـفـ تـانـيـ وـابـقـىـ اـشـوـفـ دـيـنـ الـمـلـكـ شـكـلـهـ اـيـهـ. دـيـنـ الـمـلـكـ - 00:22:13

فـنـاسـ عـنـدـهـ دـيـنـ دـيـنـ اللـهـ مـوـجـودـ وـكـمـانـ دـيـنـ الـمـلـكـ. طـبـ هـنـعـمـلـ اـيـهـ؟ لـازـمـ تـخـلـصـ اـفـصـلـ دـيـنـ اللـهـ عـنـ دـيـنـ الـاـيـهـ؟ اـهـ وـاعـبـدـوـهـ مـخـلـصـيـنـ لـهـ الـاـيـهـ لـهـ اـبـعـدـوـهـ دـيـنـ الـمـلـكـ عـنـ دـيـنـ اللـهـ - 00:22:29

يـبـقـىـ دـيـنـكـ خـالـصـ لـلـهـ سـبـحـانـهـ وـتـعـالـيـ وـالـرـسـوـلـ اـمـرـ بـكـدـهـ وـاـمـرـتـ لـانـ اـكـوـنـ اـوـلـ الـمـسـلـمـيـنـ. قـلـ اللـهـ اـعـبـدـ مـخـلـصـاـ لـهـ دـيـنـيـ وـمـاـ اـمـرـوـاـ اللـاـ لـيـعـبـدـوـ اللـهـ مـخـلـصـيـنـ لـهـ الدـيـنـ حـنـفـاءـ يـقـيـمـوـاـ الـصـلـاـةـ وـيـؤـتـواـ الـزـكـاـةـ وـذـكـرـ دـيـنـ الـقـيـمـ. عـارـفـ الـاـيـةـ دـيـ بـتـتـكـلـمـ عـنـ اـهـلـ الـكـتـابـ. كـفـرـةـ اـهـلـ

الا يعبدوا الله مخلصين له الدين حنفا مخلصين له الدين الذي كان عندهم فيه جزء منهم دين ملوك ودين اخبار ورهبان يحلوا لهم حاجة يمشوا وراهم يحرموا عليهم حاجة يمشوا وراها - 00:23:15

فيبيقى عندهم دين الایه دين الاخبار والرهبان. فربنا بيقول وما امروا الا ایه ليعبدوا الله مخلصا. الاخلاص يا اخوانا بيتجلى قوي قلت لك في وقت الاضطرار الاخلاص ولذلك شف انت لما بتحصل مصيبة - 00:23:34

البحر يعني اكثرا ما ذكرت في القرآن ذكرت في البحر ليه؟ لانه اصل البحر المشكلة فيه ما فيش حنة تفر فيها البر ممكن. يعني لو زلزال حصل لاقدر الله مسلا نجري نسيب المساكن ونطلع في الایه؟ في الخلا - 00:23:52

طب البحر هتروح فين ما انت في البحر اصلا فيقوم تحس انك في الكماشة فطالما فيك كماشة هتعمل ايه بقى؟ تقوم تلجم لملك الكماشة سبحانه وتعالى. ولذلك الایات اللي ذكرت في الموضوع ده في - 00:24:12

في تحقيق لا الله الا الله في الاخلاص فيها يعني في البحر يقول رب العزة هو الذي يسيركم في البر والبحر حتى اذا كنتم في الفلك وجرينا بهم بريح طيبة - 00:24:30

وفرحا بها. جاءتها ريح عاصف وجاءهم الموج من كل مكان. وظنوا انهم احيط بهم. وظنوا هنا ان اعتقدوا قلت لك اي زن في القرآن يعني اعتقد وظنوا انهم احيط. يعني ميتين ميتين. هيغرقوا ما هو بقول لك وجاءهم الموج من ايه - 00:24:45

وهو فعلوا هو البحر كده يعني مش الموج اصل لو جاي الموج جاي من ناحية واحدة بقى هينجي ما هو لما يكون جاي في اتجاه واحد يدفع ناحية البحر لكن مجمل هنا ومجمن هنا الله من كل مكان وجاءهم الموج من ايه؟ ده هنروح فين بقى - 00:25:10

اروح بقى العملية ايه فيعملوا ايه في اللحظة دي؟ يا رب مين اللي بيقول يا رب؟ اللي موجودين تشكيلة بقى تشكيلة ممكن يكون فيهم بوزي ممكن فيهم سني ممكن شيعي ممكن نصراني ممكن ما يركبشاي - 00:25:28

كله عارف كله هيقول يا رب اه بيعبدوا البقرة عمره ما هيقول يا بقرة ولا اللي بتاع الفار هيقول فار فين فار في دماغك بعيد؟ ما فيش فار هنا ولا فيه حاجة خالص. كله هيقول ايه؟ الایة بتقول كده لان - 00:25:45

هو ده الواقع اللي هيحصل فعلا دعوا الله ها مخلصين ايه مخلصين له الدين يعني ايه؟ يعني الدين اللي هو كان عليه برة في البر في الامان مسحوا وخلوا الدين هنا في الوقت ده لمين؟ لله بس - 00:26:03

عمر ما واحد هيقول يا بدوي ابدا ولا اي حد كله هينادي على الله بس وكله بلغته بقى دعوا الله مخلصين له الدين يقوم ربنا سبحانه وتعالى يستجيب له - 00:26:26

طالما لجأوا له طالما لجأوا له امن يجيب الایه؟ المضطر اذا دعاهم. طالما لجأوا له بيستجيب لهم. بالتركيبة بتاعتهم دي اه ده فيهم كفرة ده فيهم كله ربنا بيستجيب له - 00:26:42

اللحظة دي فلما ايه بقى وبعدين بيحطوا شرط كمان لان انجيتنا من هذه. بس يا رب عدينا بس. لان انجيتنا من هذه لنكون ايه من الشاكرين. فلما نجاهم اذا هم يبغون في الارض بغير الحق - 00:26:55

فاذاركوا في الفلك دعوا الله مخلصين له الدين فلما نجاهم الى البر اذا هم مشركون دي في سورة العنكبوت. وعن ابي هريرة قال رسول الله صلى الله عليه وسلم - 00:27:19

من اسعد الناس بشفاعتك يا رسول الله. الله. الله. اللهم اجعلنا منهم. اسعد الناس بالشفاعة يعني خد منها نصيب يعني ايه برضه يعني ممكن انت تخش الجنة خلاص عديت من النار - 00:27:30

قول على انا انا عاوز شفاعة طب ليه تعمل بها ايه؟ عاوز اطلع فوق طب ليه؟ فوق حلوا فاحب درجات فنتقوم تناول من شفاعة مين اه يعني مش في اللي في النهر اللي في الجنة كمان - 00:27:47

من اسعد الناس بشفاعتك يا رسول الله؟ قال لقد ظننت يا ابا هريرة برضو يعني اعتقادت برضو الا يسألني عن هزا الحديث احده اول منك. ما حدش هيسألني قبلك يا ابواب. ليه - 00:28:07

لما رأيت من حرصك على الحديث هنئا له. هنئا له والله ابو هريرة الشهادات بالجنة عمال منين ما يمشي ياخذ شهادات منين ما يمشي انما يمشي ياخذ شهادة - [00:28:23](#)

دع اسأل الله ان يحببني وامي الى عباده المؤمنين. خديلا والدعوة تستجاب دعوة مستجابة اهي هنا اهي برضه انت اسعد يعني انا كنت واسق يا ابو هريرة ما حدش يسألني الا ليه ؟ اصل انت حريص على الحديث - [00:28:38](#)

يعني ايه يعني ؟ يعني حريص بقى على الحديث. عمال يلم الخير كله اسعد الناس بشفاعتي يوم القيمة من قال لا الله الا الله خالصا بنت قلبه مش لا الله الا الله وقلبك متعلق بالمشايخ والاضرحة - [00:28:56](#)

لا الله الا الله وقلبك متعلق برئيس الشركة طول ما هيرضى عنك يبقى عمرك هيطلول في الشركة وهتبقى مدير ومش عارف ايه ويمكن تخش معه في راس المال. يا راجل - [00:29:17](#)

اللي قلبك متعلق بالله شلون لا الله الا الله وعينك للرتب اللي فوق عاوز تبقى ايه ؟ عاوز تبقى جامد. جامد عشان تعمل ايه خالصا علقشى الا به سبحانه وتعالى. ما تركتش الا الا الا - [00:29:32](#)

خالصا من قلبك الشرط السابع والأخير شرط المحبة. محبة ايوة بتحب مين بقى تحب الكلمة التركيبة داهية لا الله الا الله. تحبها. يعني اعمل ايه يعني ؟ لها احلى كلمة على لسانك - [00:29:54](#)

قائم نايم مش الرسول قال للصحابة لا يزال لسانك اه بذكر الله لا احلى حاجة عاوز تقول او ما بتزهقش ما بتملش قائم نايم بتقولها دخلت الحمام تلهاها جاية على بالك - [00:30:16](#)

قال لي سمي ما يتحركش بس جه على بالك وشغالك تحبها تحب الكلمة ككلمة تحب مضمونها تحب فعلا ان الطواغيت اللي موجودة على الارض تتمسح كلها كل ما يعبد من دون الله اغمض وافتح ما لقهوش - [00:30:41](#)

ايا كان انا اصل انا عندي هي ركين مش كده مش هي ركين احب الركن الاولاني ما بيقاش موجود خالص. انا عاوزك تعيش لحذات وجود عيسى عيسى جه وخلاص وربنا سبحانه وتعالى مكن له - [00:31:07](#)

وقاتل الناس على الاسلام ومحى الله في زمانه الملل كلها نفتح عنينا كده فين البوزية ؟ فين اليهودية ؟ فين النصرانية ؟ فين ؟ في فيش. كل الدنيا بتأنز كل الدنيا بتصلني كل الدنيا فيها قرآن - [00:31:23](#)

ايهرأيك في دي ؟ حلوة حب دي بقى طب امته تحصل وقت ما تحصل نفسي نفسي اغمض وافتح ولاء الدين كله لله ما عدش دين لمخلوق تحب دي طب هتحقق والله برضه دي مش في ايدي بس نفسي فيها - [00:31:47](#)

فدي محبة لا الله الا الله يا اخواننا تحب لا تحب تحب ان الكلمة دي تهز اركان الدنيا كلها ما فيش غيرها ما حدش بيقول غيرها ما حدش بيذكر يذكر الله بغيرها - [00:32:09](#)

يعني دلوقتي مسلا لما فتح عيني ربنا ياخذكم يا بعدا الله الله الله ايهرأيك في دي تحب دي ولا تكرهها تكره تكره الذكر اللي بالشكل ده وتكره اهله تكره مكانه - [00:32:27](#)

حب لا الله الا الله كجملة يحبها تسود يحبها تكون على كل لسان وفي كل بيت تحبها تسيطر على السوق سقب ماشية حسب الجدول وكل التجار منقدين لا الله الا الله. تحبها تبقى موجود في المحكمة - [00:32:49](#)

والاحكام كلها طبقا لا الله الا الله يحبها موجود في الجواز تبقى موجودة في كل حاجة هو ده حب لا الله حب اهلها يحب اهلها اللي قالوها والمؤمنين بها سكرها اعدائهم - [00:33:12](#)

تكره ضدها تكره الاب والابن والروح القدس مش كده ده حب لا الله شرط المحبة جبها يا اخواننا. ولذلك شف رب العزة بيقول لنا ايه ومن الناس من يتخذ من دون الله انداداها - [00:33:30](#)

يحبونهم كحبنا. والذين امنوا اشد حبا لله اشد حبا لله يا ايتها الذين امنوا من يرتد منكم عن دينه فسوف يأتي الله بقوم يحبهم ويحبون يا الله اللهم اجعلنا منهم - [00:33:49](#)

يعني ربنا يلغي ناس ويمسحها او ويغيب ناس تانية طب لازمهم ايه الثانيين عشان بيحبوا الله والله بيحبهم طب والاولانيين ما

كانوش بيحبو الله مش بيحبو الله اذلة على المؤمنين اعزه على الكافرين - 00:34:18

وقال عز اسمه لا تجد قوماً يؤمّنون بالله واليوم الآخر يوادون من حاد الله ورسوله. يعني يحبه ولو كانوا من باب اباءهم او شفت حب الحب ده كان متجلبي او مع الصحابة وبالزات في غزوة بدر - 00:34:36

بان قوي ظهر قوي غزوة بدر صحابي يلاقي ابنته في المعركة واخ يلاقي اخاه في المعركة و قريب يجد قريب له في المعركة والسيوف شغالة السيوف شغالة ما فيش عبدالرحمن ابن ابي بكر يقول انا شفتكم يا ابا بكر - 00:35:02

استحييت منك. قال له لو شفتكم كنت قتلتكم. ده مين اللي بيقول له؟ ابو بكر قل له انا شفتكم مين بقى؟ شف الحب شف حب لا الله الا الله. وانا شفتكم. ما هو طب بعد ما اسلم بقى - 00:35:25

استحييت منك بحيث وابو عبيدة قتل اخاه مش كده؟ قتل الاخر. ليه؟ هو كده طالما انت في صف الكفار وواقف ضد سيدنا النبي عليه الصلاة والسلام ما فيش اخويا ابوايا بقى اللي يكون يكون - 00:35:39

هي دي المحبة. دي محبة لاقى اهل لا الله الا الله عن البراء بن عازب قال رسول الله صلى الله عليه وسلم ان اوثق عرى الاسلام ان تحب في الله وتبغض في الله - 00:35:55

عرى الاسلام يا اخوانا حلقات زي الجنزير ماسكة في بعضها في بعضها اقوى حلقة في النص ولما تيجي تشد اللي هي القوية هي دي اوسط عرى الاسلام حب في الله هو الایه - 00:36:13

يعني تحب اهل لا الله الا الله تحب تسود تحب تسمعها تحب ترفع في الدنيا كلها دول سبع شروط لابد ان تأتي بهم لتجني ثمار لا الله الا الله وتحافظ عليها عشان ما تخسرهاش - 00:36:30

هذه الشروط مهمة والشرط بيبقى خارج الشيء. ولازم لصحة الشيء شروط صحة الصلاة خارج الصلاة. بس لازمة لصحة الایه من شروط صحة الصلاة استقبال القبلة طهارة البدن والثوب والمكان كده يعني - 00:36:56

ما اقدر اش اصلی وضوري للقبلة الاتجاه للقبلة مش من الصلاة بس من شروط ايه؟ صحة الصلاة طهارة البدن والثوب والمكان مش من الصلاة بس الشروط لصحة الایه الصلاة كذلك هذه الشروط - 00:37:19

لصحة النطق بلا الله الا الله. طيب الحمد لله اتيت بالشروط واجد بالاركان حافز بقى او عى تهدتها ولذلك اهل العلم يقول لك نوافق لا الله الا الله ان هو كده يعني ايه؟ الحاجات اللي بتهدتها بقى - 00:37:38

تقولها وكأنك مولتها تقولها ما تنفعكش بحد. تقولها وتبقى دمك حلال ومالك حلال. يا لطيف يا رب يا لطيف يا رب معقول ايوة ده كان بيقول يقول يقول يقوله لكن الوضع يختلف. نقضها. نقضها. نقضها - 00:37:57

النادر الاول الاشراك في عبادة الله يقول لا الله الا الله وهو مشرك في عبادة الله قال رب العزة ان الله ليغفر ان يشرك به ويغفر ما دون ذلك لمن يشاء. انه من يشرك بالله فقد حرم الله - 00:38:19

عليه الایه؟ الجنة. ومؤاوه النار وما للظالمين من انصار. عن انس ذكر لي ان النبي صلى الله عليه وسلم قال لمعاذ بن جبل من لقي الله لا يشرك به شيئاً دخل الجنة. قال الا ابشر الناس؟ قال لا اني اخاف ان يتذكر - 00:38:37

كيلو الشرك معناه تشريك يعني تدخل شركة. ما فيش مجال للشركة يعني هب اني ولله المصل الاعلى. احنا اخوات ثلاثة اربعة اكتر اقل وعاملين مشروع مع بعضهم فهنجيب واحد يدخله معه - 00:38:57

الواحد ده مسلا خاين فيه اللي فيه تدخلوا معنا ليه؟ ما احنا مش محتاجين واحنا حلوين مع بعض او واحد لوحده وعنده مال وعنده خبرة وعنده وعنده مش محتاج شريك - 00:39:17

بيبقى هيجب شريك هيوجع دماغه. مش كده؟ ونقدر نتحاسب ودي راحت فين وده فين؟ انا مش عاوزك يا عم انا ماني مكفيني وانا فاهم الشغلة وخلاص لا اين الشرك بقى؟ الشرك يعني ايه؟ تشريك احده مع الله - 00:39:35

ندخل حد مع الله. فين؟ في اي حاجة بقى باي حاجة ندخله مع الله. طب ليه هو ده طالما دخلت حد مع الله بيقى ايه كل حاجتك راحت لحد ده انا بقول لا الله الا الله قول قول للصبح - 00:39:53

مش هتنفعك لا من قريب ولا انت هديتها وخلاص لانك اشركت في العبادة مع الله سبحانه وتعالى على قمة التشريك ده او على قمة العبادة الدعاء لانه صلى الله عليه وسلم قال كده قال ان الدعاء هو العبادة - 00:40:11

فلما تيجي تدعوا احرز تجيب اي حرف او اي اسم مع الله اذا سألت تسأل الله طب مش ممكن مسلا الرسول؟ الرسول مقامه عالي ولا 00:40:33 الرسول عليه الصلاة والسلام ولوش بحق جاه النبي -

طب النبي له عنده جاه عنده وله جاه عند رسول الله انت اللي اطلب مباشر اطلب مباشر الدعاء ده فيه بقى اللي 00:40:57 بيسيب الله اصلا ويطلب من الايه -

للخلوق سيب الله خالص ولما يروح مسلا خل بالك الشيطان بيركب العملية واحد مسلا عنده مشكلة ابنه مسلا مدمن ولا فيه حاجة 00:41:18 ولا مراته مطلعة عينه ولا اي حاجة وبعددين يسافر -

ويروح عند سيده البدوي ويدعى بحرقة ويبيكي ويسلام في الارض ويتململ وياب رب وياب رب وياب رب والدعوة تستجاب اهو 00:41:38 دي بقى لما تيجي تزحزحه وتقول له اللي انت عملته شرك يقطع رقبتك -

لا يمكن ليه؟ يقول لك ده انا مجرين اللبس جاي من هنا بقى عارف الشرك فين الشرك ان هو راح في المكان ودعا طب والدعوة 00:42:05 استجيبيت ليه؟ لانها دعوة مضطر -

مش علشان المكان يعني لو كافر مضطر ودعى هتستجاب ايه؟ يعني مش مسلم اصلا فلما كان مضطرا طب فين الاضطراب؟ ده 00:42:27 مسافر مسافرات وراح مشوار وطلب كده بخلاص لانه مبتلى -

فلما كان مضطرا واستجيبيت دعوته ربط المسألة ببعضها اما لما كان في بيته فكان بيعدو بقلب ساه لاه مش بالحرقة اللي فين اللي 00:42:52 في المكان فهو ربط ما بين استجابة الدعوة والايده -

ده شغل الشيطان بقى. ليه؟ عشان يفضل ربطه بالمكان وما ينسا هوش طول عمره ويموت على كده تيجي بقى تتصحه تفهمه قلما 00:43:14 يستجيبي. او تقريبا محال انه يستجيبي هي دي المسألة يا اخوان -

التشريك في الدعاء انت تطلب من الله وحدكم او تقسم على الله بشيء لا يجوز القسم به على الله او تعتقد ان السين او صاد من 00:43:33 الناس له دور وتأثير على الله -

لأ سيدنا النبي ولا سيدنا ولا اي مخلوق اصلا ولا اي مخلوق اصلا يبقى هنا الدعاء دي اول حاجة في التشريك انت تشرك في دعائك 00:43:50 احدا وتطلب منه او تدخله في طلبك من الله سبحانه وتعالى -

قال رب العزة ان الذين تدعون من دون الله ها؟ عباد امثالكم واحد بينادي على سيده البدوي بينادي على سيده الشافعي اه كان قالوا 00:44:15 لي الطلبات ما عادوش بقى بينادوا ويتروح تقدم طلب وما لكش دعوة بقى -

وتروحوا يكتبوا لك طلب ياخدوا صورة شخصية ويدرسوها في الطلب ها ها على النت كمان لا ما اشوفش انا على النت ليه؟ على 00:44:38 النت؟ لا والله طب ازاي وتدفع في في في آآآ

بتدفع ازاي ايوه بس بتدفع ازاي؟ لازم تدفع كشف فودافون كشف ممكن برضو ممكن كل حاجة اه والله ممكن طب فيها صورة فيها 00:45:00 صورة؟ صور لا بيبقى فيه الولاد قالوا لي يعني قالوا لي صورة شخصية -

البنات عاوزة تتجوز اللي حالها واقف والكلام ده كله. صورة شخصية وطلب وتدبس متين ميادة اللي ايه اتصلوا قل له يطيش يعني 00:45:23 الرجاله ولا الشیخ؟ انا لله وانا اليه راجعون -

انا لله وانا اليه اه شيء طبيعي اشمعنى المعصية دي اللي مش هتتطور يعني اشمعنى دي ما لازم تتطور لازم بقى فيه تقنية حديسة 00:45:46 في الكفر كفر القديم خلاص ما عدشى -

اه لازم لازم شيء طبيعي يا اخواننا. اي والله انا لا تستعجب لا تستعجب الشاهد ان الذين تدعون من دون الله ها؟ عبادنا امسالكم. 00:45:59 ادعوا فادعوهم فايه؟ فليستجيبيوا لكم. ان كتم صادقين. الهم ارجل -

يمشون بها ام لهم ايد يقطشون بها ام لهم اعين يبصرون بها ام لهم اذان يسمعون بها ولدوا شركاءكم ثم كيدونني فلا تنتظرون. ان ولدي

الله ان ولبي الله. اما الاولىء دول - 00:46:20

من التشريك ايضا الاستعانة بهم والاستغاثة الاستغاثة انت بتستغيس به وهو اصلا كان بيستغيس بالله. هو انت مش في دماغه اصلا لما يقول رب العزة في سورة الاسراء اولئك الذين يدعون - 00:46:43

اللي انت بتدعوه دول اولئك الذين يدعون بيتغون الى ربهم الوسيط. ده هم نفسهم عمالين يدعوا ويقولوا يا رب نسألك قربك بيتغون الى ربهم الوسيط ايه اقرب. ويرجون رحمته ويحافظون ايه - 00:47:03

عذابه ان عذاب ربك كان محظورا. ذلکم الله ربکم له الملك والذين تدعون من دونه ما يملكون من ايه؟ من قطمير. قطمير نمير فتيل كل ده ورد في القرآن العظيم - 00:47:25

وحاجات العرب عارفاتها وحاجات العرب ما بتلتفت لها لانها تافهة كتمير هم عارفين القطمير الغلاف البيضا اللي بتبقى حوالين النوايا تفصل الحلو عن النوايا الفتيل تلاقي قتلة في قلب النوايا في النص كده - 00:47:45

والنمير تقلب النوايا تلاقي نفحة فيها كده انا بشبها بالبصمة انا من محبي التمر يعني انا بحب التمر فدائما لما اكل اقعد اقلب فيه كده واقلب النوايا وابص في ضهرها وابص في ضهر اختها - 00:48:05

وبص في ضهر اختها وبنت اختها وبنت خالتها وبنت عمتها الاقي كل نوايا قايمة بزاتها اقول سبحان الملك سبحان الملك التمر رخي فيه بصمات التمر ده كتير قوي تفرق ايه؟ تفرق ايه عن البشر يعني - 00:48:25

تفرق ايه عن البشر الاء تعلق بهزه الاشياء هزا التعلق هزه الاشياء شرك تمسك الستارة بتاع الكعبة وتحضنها قوي. لا عند الملتم اه عند الملتم تقف وتدعوه؟ اه ماشي هيتنك على الكعبة ماشي - 00:48:45

بس مش عشان الكعبة لا عشان المكان ده يرجى فيه قبول الدعاء. يرجى فيه زي كده الثالث الاخير ايه الفرق بين الزمان والمكان الله سبحانه وتعالى جعل يوم عرفة الله سبحانه وتعالى الوادي ده - 00:49:14

امر العباد يتجمعوا هنا في اليوم ده يبقى زمانه ايه؟ ومكان. في الوادي ادعوا طب والدعاء خارج الوادي دعاء برضو بس هنا انا عاوزك نهوه انا اهو في الوادي ولازم تبقى جوة الوادي - 00:49:32

خارج الوادي الحاج مش صحيح. حجتك مش صحيحة وممكن تدعى خارج الوادي بالخلاص. ما ينفعش الحج كله لازم تبقى داخل الوادي ويوم عرفة طب والدعاء من بعد الفجر وارد بس احلاه امتي؟ زي ما رسولك وقف - 00:49:53

صلى الله عليه وسلم بعد الزوال ووقف حتى الغروب يبقى زمان ومكان انما الشيء نفسه لا الشيء نفسه لا تعلق ما هو لما عمر قال للحجر كده والله اني لاعلم - 00:50:17

انك ايه؟ حجر انا مش هقرب منك الا امتسالا بس هو عاوز يقول لنا انا يعني زي ما تقول عمر بيذاكر الاخلاص بصوت عالي شوية يعني بالذكر الاخلاص. الله! طب ما ما تخلي دي جواك - 00:50:37

مش انت عارف ان هو حجر لا يضر ولا ينفع عارف ولا مش عارف وعارف ان الرسول قبله وانت بتقبله عشان الرسول قبله انت بتخلி كل دي لنفسك مسلا يعني مش كده - 00:50:56

انما عمر بيذاكر الاخلاص بصوت ايه عشان بيعلمني بيعلمني لانه يقتدي به عمر يقتدي به فالشاهد الایه الباب اه لا لو تعلق بالباب يبقى ده يبقى فيه شركيات شركيات - 00:51:08

ما يتعلق بالباب باب باب زي ده باب متين وثمانين كيلو جرام دهب. يعني كله معصية باب الكعبة كله معصية متين وثمانين كيلو جرام دهب ما يرضييش ربنا - 00:51:38

والرسول يغضب لهذا والباب مخالف للسنة كباب اصلا هو مش كده. الباب ده اصلا ينزل عند الارض والناس تدخل منه يخرجوا من اخيه عملوا كده باب تاني. يعني الباب اصلا مليان مخالفات - 00:51:57

فانت بتتعلق بحاجة مخالف للسنة اصلا بتتعلم بهزه ذهب ذهب اتنين متين وثمانين كيلو جرام ليه كده كل ده عشان ايه يعني؟ وفيه مسلمين زي ما انت عارفين او طيب ولزمنه ايه؟ وما له الخشب - 00:52:15

ما له الخشب ما له الخشب اللي كان معمول منه حجرات ابواب حجرات النبي عليه الصلاة والسلام المهم مش موضوعنا استعن بهم
فتطلبهم هم اصلا بيسعنيوا بالله وبيطلبوا من الله - 00:52:36

التشريك في العبادة تnder لغير الله وترجع لغير الله نذر تنزير لغير الله لاي حاجة بقى او تشرط على الله تنزره لله وتشترط على الله
سبحانه وتعالى ينجح لك الولد - 00:52:55

هعمل طب ونسقط الولد مش ولا ايه ها في واحد بيندر ان الواد ينجح ويخش طب نادر هيدبح هيبجي. طب الولد ساب السانية
العامة كلها قال انا بحب عاوز يخش بتاع اوروبا ده - 00:53:18

عاوز يخش بتاع قروب طب تعمل ايه انت ايه بقى ؟ اكيد هتدبح رجلين ثلاثة بقى بس يروح اوروبا. بس يروح انما لا راح هنا ولا هنا
لا تشرط على الله - 00:53:41

النذر طاعة ونسك وعبادة تفعلوا قربا لله اني نذرت للرحمه للرحمه صوما فلن اكلمه يوفون بالنذر ويحافظون يوما كان شهره اه
يبقى تشرك بالله في النذر تدر لسيك السيد - 00:53:54

وسيدك السيد يخش في الموضوع اه وبيعث لك واد برضه يتجوز البت وتيجي بقى نشيل الفكرة دي من نماك ما تنشلش ابدا
والبيوت بتتجاوز فعلا وسيدك السيد برضه يقوم داخل ومطلقها في السابع - 00:54:28

طلقها لك في السابع واعمل ما بدا لك. معصية ومعصية. زلمات بعضها فوق بعض تnder لفلان ولذلك شف المشركين كانوا بيعملوا ايه
بقى بيقسموا كل حاجة بين الالهة بتاعتهم زي ده احنا دلوقتي برضه كده وبين الله - 00:54:49

الله له كل شيء وهم ايه يقسموه وجعلوا لله مما ذرأ يعني خلق من الحرش والانعام نصيبا فقالوا هذا لله بزعننا. وهذا لشركائنا فما كان
لشركائهم فليصل الى الله وما كان الله - 00:55:11

فهو يصل الى شركائه واضح من الشرك في العبادة تروح تزوره اي ضريح تلف تعمل ايه ؟ بلف طب ليه ؟ وساعات تحك ضهرك او
ساعات تحك بطنها طب ليه ؟ عشان ربنا يكرمنها - 00:55:36

ربنا يكرمه وانت برضو فك ضهرك عشان ربنا يكرمك وتعمل ايه وتولد اه عاوزين ولدة باي شكل باي شكل طب البتاع ده هو ده ده
فيه سر ؟ ايه فيه سر - 00:56:11

الطواف ده يا اخواننا عبادة اللي يلف حواليين ضريح مخلوق عبادة لان الرسول عليه الصلاة والسلام قال الطواف صلاة الطواف صلاة
فافقوا فيه الكلام الطواف صلاة ولذلك ما تطوفش الا لازم يكون متظر - 00:56:28

ما ينفعش تطوف وانت محدس لازم تطوف وانت متظر ولو انتقض وضوءك في الطواف تطلع تطلع تتوضى وتيجي تاني توضأ
وتيجي تاني لابد ان تكون متظرها عشان تطوف طواف طواف ركن او سنة لو طواف مطلق كده من غير آله ركن في العمارة ولا في
الحج ها - 00:56:52

لا الراجح ان يكمل ولا يبدأ من جديد. الراجح ان يكمل بس يحفظ الشوط اللي كان فيه والشوط اللي فيه يشوفه كان واقف فين
ويكمل. الراجح والله اعلم لا السعي لا يشترط يستحب - 00:57:16

سي بين الصفا والمروءة يستحب فيه الطهارة الطواف صلاة فاصل فيه من الكلام. فيه الكلام. فلما تطوف حواليين ضريح مخلوق يبقى
انت بتصللي انت كده بتصللي الناقد الثاني من نواقض لا الله الا الله يبقى الناقد الاول الاشتراك بالله سبحانه وتعالى. ينقض لك لا الله الا
الله ويهد لك اللي انت عملته - 00:57:32

الناقد الثاني ان تجعل بينك وبين الله سبحانه وتعالى واسطة حاجة هاخد الرسول واسطة ابدا لا رسول ولا غير الرسول - 00:58:01

لا رسول ولا غير الرسول لما رب العزة يقول للرسول في القرآن يعني اذا سألك عبادي عنى فاني قريب ده حتى التركيبة اللغوية
تركيب اللغوية محذوف منها الوصفة. محذوف منها الواسطة - 00:58:21

واذا سألك عبادي عنى لو فيه واسطة كان يقول فقل اني قريب فقل اني قريب. انما اذا سألك عبادي عنى ما قالش فقل فاني على

طول قريب من مين قريب من المسؤول يسألوك عن الله - 00:58:43

ان اقرب لهم منك يا محمد صلوات الله وسلامه عليه ما فيش واسطة ممنوع اصلا قال رب العزة الوصايف اهي بقى ومن اضل
00:59:10 - من يدعو من دون الله من لا يستجيب له الى يوم القيمة وهم عن دعائه -

غافلون ومنها قوله تعالى ما نعبدهم اي نسألهم ونطلب منهم الا ليقربونا الى الله زلفى ان الله يحكم بينهم يوم القيمة قل ارأيت
00:59:40 - شركائكم الذين تدعون من دون الله اروني ماذا خلقوا من الارض. الآيات -

يقول شيخ الاسلام ابن تيمية عن هزا الناقد اللي هو اتخاذ واسطة يعني خرواصه فمن جعل الملائكة والانبياء وسائل
يدعوهم ويتوكل عليهم ويسألهم جلب المنافع ودفع المضار مثل ان يسألهم غفران الذنب وهداية القلوب وتفریج الكرب وسد الفاقات
01:00:05 -

فهو كافر بجماع المسلمين لا الله الا الله لا الله ممنوع يا اخواننا ادخل على الباب مباشرة ودق الباب وتحين اوقات الدق عارف اوقات
01:00:41 - الدق ها بين الازان والاقامة الثالث الاخير من الليل -

يوم الجمعة يوم عرفة بعد الوضوء ها عند فطر وانت صائم اوقات تدق فيها الباب. عارف باب مين ولا هنقول لك ايه تاني بس
معك حد؟ لا تقف على الباب لوحدك - 01:01:08

تطلب من حد يساعدك في الدق ماشي لا تنسانا من دعائك يا عمر مش كده يعلمنا عاوز حد يساعدك في الدق؟ اه بس مش واسطة
ادعي لي يا فلان يبقى هو يدق هو راخر - 01:01:31

يشوفه راخر ساعة برضه ويدقوا فيها لصالحك عرفت الفرق بين الواسطة وانه يساعدك يعني هو زيك انما الوسطى بتعتبره احسن
منك وبتفرضه على ربك ان هو له تأسيير عليه انما الثاني - 01:01:56

زيك وبيساعد معك فقير زيك وبيدق على الباب زيك. باب من باب الملك انت وهو وهو وهو وهي وكله كله ما عهمش
واسطة وبيسألوا لك عرفت الفرق بين الواسطة - 01:02:20

ودعوة الاخ لاخيه لان الواسطة اللي انت واحده ده غالبا بيبقى ميت ما بيدقش اصلا وبتفرضه على ربك انما لما اقول لك ادععي لي
01:02:41 - انتم شفتم واحد واحد واسطة

في الدعاء والاتنين احياء شفت حد عامل كده يعني انا جبتك مسلا يا عم آآ عزة وقوتك قدامي كده ها وقوتك قدام ورفعت ايديا
وعمال ادعو وانت ايه انت لك تأسيير بقى حصل الكلام ده - 01:03:00

ولا هيحصل ولا هيحصل لكن انا بجيبي مين يجيبي واحد ميت انت انا اقول لك ادعو لي يقول حاضر ان شاء الله هدعي لك. وفعلا
01:03:20 - ممكن تدعوا لي بنفس الطريقة بتاعتي او اكتر او احسن

يبقى احنا الاتنين فقرا وداخلين على الله من باب واحد. اتخاذ الوسائل بين العباد وبين رب العباد يفسد وينقض لا الله الا الله فlla
01:03:39 - يجوز ابدا ان نتخذ وسائل بيننا وبين الله. في مسألة او في دعاء -

او في قضاء حاجة او في شيء من هذا الوسائل في حياة الناس لها سببان حياة الناس العادية الحياة هي اليومية وهذه الاسباب لا
يمكن ابدا ان تطبق في علاقة المخلوق بالخالق - 01:04:04

لما زا يلجا الناس الى الواسطة؟ لماذا يلجا الناس الى الواسطة لسببين الجهل والظلم يلجا الناس للوسطى بسبب الزلم بمعنى ايه انا
راجل مسئول وعندى طلبات للناس و حاجات للناس وكلامي او توقيعي هيمشيها او يوقفها - 01:04:25

فازا كنت رجلا عادلا اي طلب هيجي لي طالما مستحق امضيه وامشي انا راجل عادل هيجبوا لي واسطة ليه؟ طالما ان الطلب ده
صاحب حق ده مضيه ويمشي - 01:04:55

هيجبوا له واسطة يجيبيوا واسطة لمين للظالم الظالم يمشي حاجات وما يمشيش حاجات الاتنين مستحقين لكن انا ما بحبش ده
01:05:13 - خلاص ما مشيش حاجة طب نعمل ايه في الراجل ده؟ نجيب له ايه؟ واسطة. شف ايه حد يأسر عليه -

نقي بقى نشوف حد معرفته غفيره بوابه سواقه اي حد بقى يأسر عليه يبقى في الحالة دي وجدت متى وجدت الواسطة ازا وجد

الايه الظلم دي حاجة الحاجة الثانية الجهل. جهل يعني ايه - 01:05:37

انا مش عارفك ان انت فعلا مستحق فيجي واحد يقول لي ده انا اعرفه ده جاري ده من بلدي مين هو ده ؟ اللي له عندي ايه ؟ خاطر بيجي السوق بتاعي بيجي كذا يقول لي مسلاً ده الرجال ده مستحق - 01:05:57

مين اللي قال لك انه سحقه ؟ واللي انا عارف ناس في البلد. ده من بلدنا شخصيا. ده انا ده انا عارفه شخصيا يبقى كده طالما هو مستحق ادي له ايه - 01:06:18

حق طب انا ما اعرفوش وما حدش عرفني به. يبقى مش هادي له ايه حقه يبقى فيه سببين للوسط الجهل وليه يعني الجهل بحاجات الناس والزلم انا عارف حاجات الناس بس انا مش مش هدي له اللي هو عاوزه - 01:06:30

لانه مش تبعي يبقى الجهل والايه ؟ والزلم. الصفتين دول موجودين في ربنا حاشاه سبحانه وتعالى عما يقولون ايه علوا كبيرا هل انا لما يكون لي طلب عند الله محتاجنبي - 01:06:53

يقول انا بقولنبي وما فيش انبيا تاني خلاص. يبقى اللي قال لي اذا كان النبي مش نافع يبقى اللي اقل من النبي هينفع ؟ محتاج حد يقول لي ربي لبي له طلبه - 01:07:17

هو ربي زلمني عشان حد يقول له لا ادي له طلبه طيب انا حاجتي اصلاً غايبة عن ربي عشان اجيب حد يعرف ربي بها بلزمنتها ايه الواسطة ؟ فعلاً عشان تاخد واسطة - 01:07:32

للله بتهد لا الله الا انت كده بتهد لا الله الا الله الجماعة الصوفية يقول لك لازم يبقى فيه نفس طاهر. انت متصور تخش على ربنا كده بزنوبك امال ايه يعني اعمل ايه يعني ؟ - 01:07:52

لأحد لك نفس طاهر يطلب حاجتك ويقربك من ربنا مين النفس الطاهر انا اللي هو الشیخ يعني او شیخه بقى لا والله طب والنفس الطاهر لما كله حاجة بياخد ايه - 01:08:09

ولما النفس الطاهر ده ما لوش حاجة خالص ما بيطلبش حاجة من ربنا خالص هيقول لك ايه النفس تكبر منه طب واللي اكبر منه ها هيجيب اكبر منه انت عارف الفكرة دي - 01:08:28

ده السبب الاسلام قس كانت نشرتهم قال التوحيد من خمستاشر عشرين سنة كان كاتب كده اسلام قس القس ده جت له بنت عمالة تبكي وتتململ اخطأت يعني وعاوزاه يعمل ايه ؟ يغفر لها الخطيئة بتاعتها - 01:08:46

فهو طب طب عليها وقال لها خالص يا بنتي ومن غرفتها لك وخلاص ما هو زي ما هم معودينهم بقى اذا كان الاخ ببيبعوا ببيبعوا الجنة بالفدان ببيبعوا ها ؟ ايوة لقيت على شوية مغفرة قومي يا بنتي انا غرفت لك خلاص - 01:09:10

ومشيت البنت وخلاص بعد البكاء بقى اطمأنت وخلاص هو قعد يتكلم مع نفسه قال ايه طب وهي هي البت اطمأنت وبطلت بكاء انا بقى لو غلطت مين يغفر لي ؟ هو بيكلم نفسه - 01:09:31

يبقى يا فلان الردة اللي هو امامهم رتب يبقى الرتبة الفلانية طب والرتبة الفلانية لما تغلط مين يغفر لها الركبة اللي فوق ؟ فضل فضل لما لقى مين ؟ ما لقاش الا مين - 01:09:49

قال لرب العالمين. اللي هيغفر الاكبر رتبة قال احنا بنهرج ازا كان اللي فوقي غفر لي وهو محتاج الايه ؟ المغفرة من من مين ؟ من اللي فوقه واللي فوقه محتاج المغفرة - 01:10:03

الله طب وليه كده ؟ طب ما نطلع فوق خلاص قال له اطلع فوق وخلاص لازمتها ايه هو لغى الواسطة ولغى الرتب ودخل الاسلام هي دي القضية يا اخوانا القضية انك تستشعر - 01:10:25

انك تدخل على ربك من غير حد اصول خلقك واللي صنعتك واعلم بك من اي حد وارحم بك من نفسك فليه ليه ليه تبقى فيه حواجز بينك وبين تحط حواجز ليه اصلا - 01:10:42

ما بتتحطش حواجز لو حطيت حواجز يبقى بتهد ايه لا الله يبقى انت جبت الله في النص وعملته حاجز انت اصلاً بتقول لا الله امال جايب ايه في النص ليه - 01:10:59

ما فيش حد يبقى في النص على طول كده وزيادة على ذلك يا اخي لما ربك يقول قل يا عبادي الذين اسرفوا على انفسهم لا تقطروا تعالوا على طول تعالوا - [01:11:11](#)

تعالوا ارجعوا فيش فش حواجز انت اللي حاطين الحواجز فهم قوي يا اخوانا نخلي بانا نحافز على ايه على لا الله الا الله نسأل الله لنا ولكم ان نجعلها جل ذكرنا - [01:11:26](#)

واخر كلامنا واستخدمن لها امين امين صل اللهم وسلم وبارك عليه شرط الانقياد اه اية بسيطة تمام يبقى تحقق امان به ؟ اه. امن له وتحقق شرط الانقياد جملة. اية نعم نعم. احسنت. احسنت احسنت - [01:11:45](#)

شرط الانقياد تتجلی في اعلى صوره ان تؤمن للرسول. تؤمن به ؟ اه الحمد لله كلنا مؤمنين به. انما نؤمن له يعني نسلم له القياد وقودنا يا رسول الله - [01:12:15](#)

اه يبقى هو ده بقى ايه ؟ ده الانقياد اللي فيه ايه اللي فيه جوارح جوارح اه وده برضه في قلبي كمان. قلب وجوارح. قلب وجوارح اه. نعم فاهمين اليقين نعمل فيه ايه ؟ ينفع نفسكم - [01:12:32](#)

علموا بقين نعم علم بيقين. اه خالي من الشك ومن الريب. انا عايز ازود كمان اقول لك صادق وبخلاص نعم صادق وبخلاص الحرامي اه له ايه هو مش كده السؤال ما يباقاش كده - [01:12:58](#)

هو الايمان رتبة اعلى من الاسلام الايمان رتبة اعلى من الاسلام ممكن يبقى مؤمن يفعل معاصي ممكن يبقى مؤمن ويفعل معاصي لكن لحزة التلبس بالمعصية يخرج الايمان وبعدين رجعه لثاني - [01:13:26](#)

لذلك سيدنا النبي يقول لا يزني الزاني حين يزني وهو مؤمن وهو مؤمن ولا يسرق حين يسرق وهو مؤمن ولا يشرب الخمر حين يشربها وهو مؤمن لانه اصل الحاجات ديت - [01:13:47](#)

الاسلام لسه موجود معه الايمان بقى الايمان رتبة اعلى للحزة الفعل الايمان بيسبيوه تخل عنك لان لحزة دي لحزة مش حلوة فهو بيبعد عنه يخلص من المعصية يرجع له ثانى - [01:14:08](#)

نخلص المعصية يرجع له ثانى استحل العمل بقى خرج من الاسلام ومن الايمان ومن كل حاجة عارف يعني ايه استحل يعني دي حلال الزنا حلال ايه اللي حرامه يعني هو انا اغضبت حد ! ما هو بالرضا - [01:14:30](#)

لما يقول كده بقى لا بقى في اسلام ولا في ايه ولا في ايماننا ؟ كده بقى خرج يعني استحل ما حرم الله انما هو مؤمن وعارف ان دي غلط ونادم - [01:14:48](#)

ومش ميسوط من اللي بيعمله بقى ما زال مؤمن برضو بس اللحزة نفسها الامام بيفادروا ويرجع له ثانى بعد ما يخلص منه صلي اللهم وسلم وبارك عليه - [01:15:03](#)